

SCHÄNNER 2023 Fasnachts-Zittig

7.00



Style Tipps und Mehr

FASHION BLOG

Mehr auf Seite 14

Tanz dich fit mit de Gaster Hüpfen

I dä Höchi hät's Wanzä, drum tüamer dunä tanze!

Mehr auf Seite 18

ZEIG DE WANZÄ DE WEG!

LABYRINTH

Mehr auf Seite 7

Sponsoren	2
Dorfintern	3
Labyrinth	7
Lückentext	9
Kinderlieder neu interpretiert	10
Stellenbörse	13
Fashion Blog	15
Narrä-Talk	17
Tanz dich fit mit de Gaster Hüpfen	19
Wussten Sie, dass...	20
Schnitzelbänke	20

An alle Tratschtanten, Plaudertaschen, Zeichner, Autoren und Sponsoren – Herzlichen Dank.
Und an alle Leser und Beteiligten, nehmt nicht alles zu genau – sonst gibts in Schänis einen Super-Gau.



Auf der Lauer,
neben der Mauer...
Seite 4



Gewusst wie...
Seite 8



Narrä-Talk
Seite 17

Haupt-Sponsoren

Platin-Sponsoren

Andreas Kistler GmbH, Reichenburg
 Carrosserie- Spritzwerk Rüegg, Bilten
 Eicher Reinigungen + Hauswartungen GmbH, Kaltbrunn
 Garage Zahner AG, Rufi
 Giger Landschaftsgärtner GmbH, Schänis
 Holzbau Andreas Riget, Rufi
 Kessler & Arnold AG, Neuhaus
 Landi Linth Genossenschaft, Schänis
 Metzgerei Rickli AG, Schänis
 Moser Sicherheit AG, Schänis
 P.O.A.C. GmbH media factory, Niederurnen
 Politische Gemeinde, Schänis
 Raiffeisenbank Schänis-Amden, Schänis
 Riget.ch, Pfäffikon
 Zahner Metallbau AG, Schänis
 Zaunbau Speer GmbH, Rufi

Gold-Sponsoren

Achters Holz, Maseltrangen
 Automobil Zett GmbH, Schänis
 BIO Käserei, Maseltrangen
 Coiffure Stil & Styling, Bilten
 Die Mobiliar, Schänis
 Elektro Schuler & Germann AG, Schänis
 ERNi Druck und Media AG, Kaltbrunn
 ESG Edelmetall Service GmbH, Schänis
 EVS AG, Schänis
 Fischli Tobias GmbH, Bilten
 Garage Ziegler AG, Rufi
 Jud Architekten AG, Schänis
 Käserei Gaster Linth AG, Schänis
 Kühne Holzbau AG, Maseltrangen
 Ortsgemeinde Schänis, Schänis
 Pneuhaus J.+N. Rüdüsüli AG, Schänis
 Rupf Storen, Schänis
 SchwittHair, Schänis
 St.Galler Kantonalbank, Schänis

Silber-Sponsoren

Atrona AG, Schänis
 Coiffure & Nail Creative, Schänis
 Expertas Linth Treuhand AG, Rufi
 HSM Forst AG, Maseltrangen
 Malergeschäft, Schänis
 Malergeschäft Heinz Jud GmbH, Schänis
 Ortsgemeinde Rütiberg, Rufi
 Peter Rüdüsüli AG, Schänis
 Roth AG, Schänis

Bronze-Sponsoren

Alois Jud AG, Schänis
 Düring Heizung Sanitär, Schänis
 Frässegge, Schänis
 Garage Lueg is Land, Rufi
 Kedel AG, Schänis
 Kühne Wärmetechnik GmbH, Rufi
 Metallbau Jud Alex, Maseltrangen
 Restaurant Bären, Schänis
 Restaurant Sonne, Rufi
 Schänner Beck, Schänis

Impressum

Redaktion:
 fasnachtsziitig@gmx.ch

Kreativ-Team
 Julia Grob, Michaela Giger,
 Jennifer Schönenberger,
 Petra Schwitter, Julia Riget

Zeichnungen
 Anita Baumberger

Auflage: 250 Exemplare

Wir danken den Sponsoren, welche seit Jahren die Schänner Fasnachtskultur unterstützen. Daher möchten wir euch auch dieses Jahr erwähnen!

**8. Gebot: Du sollst nicht stehlen |
9. Gebot: Du sollst nicht lügen**

Zwei Schwitteri im Riet uf Velotour, stahd dä Bohlä H. zmittst uf dä Spur. «Händ ihr diä zwei Diäbe gseh, mit mim Velo devo – jetzt hani keis meh». Hiwiis 1: Es wiises Liibli hends oh, Hiwiis 2: Miis GTM Damavelo hends gno. Dä Detektivin Anitaäli sind diä zwei ufgfallä, seit Detektiv Pedro: «Jetzt druckemer uf d’Pedallä». Gsänds prompt diä zwei Diäbe friedlich umfmä Bänkli, und versteckt das GTM-Damäränkli. «Ihr händ dem altä Maa gad z Velo gstohlä, üch sett mr zünftig z Füdli versohlä». Diäbe säget: Mit dem hämmer nix z tuä, lönd üs doch eifach bitte in Ruäh. Detektiv Pedro nimmt das Velo und fahrt zrug, Detektiv Anitaäli meint: «Lügä dönds aunu, schunu veruggt». Bohlä H. zfridä miteme Lachä, d’Rös am nächste Tag feini Guetzli bachä.

**Kückerücküüüüü,
morgä am Drüüü**

Alti Chilbi Maseltrange, da trinkt mer gern e feini Stange. 12i schlaht diä Chiläuhr, d’Stimmig wird schu langsam bizzli stuhr. Bi z’Zwiifels usem Hühnerstall, holt mr dä Guggel bisr tanzt im Saal. Ufsehä hät de Guggel schu nu gha, das vertreit doch nümä jedä Maa. Da häts dä Päde nu gad vum Stüehli ghauä, sicher gäh, öbä en Fläck und zwar en blauä. Doch wiiter isch das Gaudi gangä, adä altä Chilbi Maseltrangä.



**Wer hat an der Uhr gedreht...
jetzt ist es plötzlich schon
so spät...**

Sineli S. mit Lover und Gepäck, z’Züri am Flughafen gekonnt iichäckt. Blaui Stränd und griechischä Wii, das isch ihres schönä Reiseziel gsii. Nähmets nu es Cafi, s’isch ja nümä wiit zum Gate, doch das händs unterschätzt und sind 20 Minute «too late». Eh Umbuechig häts brucht, das isch kän Witz, und gad chli lang händs mössä hoggä uf dem Sitz. Umstigiä zweimal – absolut unnötig, schlussendli acho mit 8 Stund Verspötig.

**Auf der Mauer, auf der Lauer,
sitz neh kleine Wanze**

Schöne Seich die böse Wanzä, sind ufde Federi am Sumä tanzä. Mit süessem Bluet hesch chli glitte, anderi hends sii gla uf de Siite. Ustanzt händ d’Wanze nunig glii, au wenn de Kammerjäger isch verbii. Ab 2023 simmer hoffentli schu nu froh, tanzt wieder üsä Bergfloh.

**ORIENTIERIGSLOSIGKEIT
IM LINTHGEBIET**

Orientierig muess glernt si, au de Standort vom Getränkelerde Rio isch gmeint debi. Jenny Z. isch denn ebe au nöd drus cho, und hauts uf Niederurne statt uf Richeburg in Rio.

**Usgangs-Pilgerreis
is Kloster Magdenau**

Bruno S. Junior und de Andrin E. sind bim Firmweekend gsi, ab id Winterbar da sinds doch sicher au debi. Für de Heiweg mönds denn pressiere, es isch glii 1, aber es Auto ume isch ebe leider e keis. Zum Glück gits Google Maps für ihri Reis, aber trotzdem wird de Heiweg zunere Pilgerreis. D’Unterkunft isch nämli s Kloster Magdenau, und det hänä mönds uf Zit zimlich genau. No e chlini Ergänzig zum Schluss, de Pfarrer Sebastian macht no paar Püunkt plus. Die einte no mössä innä schmuggle gar kei Sach, aber erschinä zum z’Morge isch er wieder ganz am schluss.



Tiki isch au nümä wiä früehner ...

Badebrausetablette de neu Hit, das sprudlet und macht dich frisch und fit. Öpis Selbergmachts gschänkt, händs Inderbitzin's bim Bastlä dankt. Die beschänkte Chind bi z Seliner's dihei findet das nöd würkli de letschti Schrei. Das isch doch Tiki und chamer trinkä, debii het mr's söllä idä Badwannä versinkä. Natürli händ z Seliner's das nöd würkli gern, gschmacklich vu Tiki schu chli fern. Händs dankt mir gänd das doch de Verwandtä wiiter, hoffentli nehmeets diä zum Badä, suscht isch bitter. Und was lernen wir daraus? Einen geschenkten Gaul, nimm niemals ins Maul.

Ämtliplan bi z'Bohlä diheii ...

Fasnachtszischtig Ämtli verteilt, dä Jüngsti muss machä de Zmittag bereit. Doch ganz erstuunt chunnt dä Dario hei, als wär er mit dem Ämtli nöd ganz allei. Papa Res isch ebä am 11i schu dihei gsii, will er gmeint het 12i sig schu verbii. Drum fangt er ah mit chochä und tischä, bis ihm de Chef alüetet und frögt: «wo bisch dä?» Uups, uf dä Uhr isch erst Ölf, drum git de Chef no en Uftrag bis am Zwölfi. Schnell verlaht er ds Huus und brucht bis am Zwölfi numal chli Pfuus.

Oh Tannenbaum, oh Tannenbaum, wie hell sind deine Lichter...

Priseli bitzli im Usgang gsi, und am Schluss nu idä Schwiibucht verbii. Händ zwei Buebe gmacht en Streich, und es Baustellelämpli mitgno – so en Seich. Händs das dann de Prisi aghängt, und sie mit bitzli Liecht beschängt. Sie hät sich nöd chönä befreiä vu derä Laternä, hät also glüchtet wiä än Himmel voll Sternä. Dihei acho denkt ihrä Fründ, was lüchtet so hell, isch doch nunig Wiähnacht so schnell? Doch niemert weiss wiämers abstelle sett, am nächste Morgä stahts drum immernu det.



AUF DER LAUER, NEBEN DER MAUER ...



Gschwind go essä ga, da hends en super Plan gha. Nur no schnell de Florian R. go iladä, doch prompt gits gad no e Pannä. Dass es bi ihm en gförliche Absatz hät isch en schöne Seich, und s'Schicksal spilt dene Mannä en ziemliche Streich. Lange Rede kurzer Sinn, bim Absatz gits en chline Blödsinn. Extra no Wageheber und Schaltafle händs bsorgt, damit am Florian R. sis Auto denn glich no für de Friede sorgt. De Znacht isch denn nach dem Erlebnis kürzt worde, und sie hend denn z'Esse mössä im Mec Roland go bsorge.

Unbekannter Fussball-Star

Jan F. macht plötzlich grosse Augen und kann dem Bild im Internet fast nicht glauben. Bei Google gibt er seinen Namen ein und denkt: «Das muss doch wohl mein T-Shirt sein?» Dieses steht nun bei ebay zum Verkauf, es ist sogar noch sein Name drauf! Das alte Trikot vom Fussballverein sollte eigentlich in der Kleidersammlung sein. Doch jemand in Australien macht jetzt das grosse Geld, für 30 Dollar kann man kaufen das Shirt vom Fussball-Held!



ZAHNFEE IM GLÜCK!

Nach langer Vorbereitungszeit ist es endlich soweit, d'Fasnacht ist da – wie schnell vergeht doch die Zeit. Grund zum Feiern hat da natürlich auch die OK-P und wett sich drum für einmal auf d'Melser Fasnacht gehen. Weiter gefächelt wird denn auch am Schmudo z'Schänis – ah dene liebe Zäh, chläbt am Morgä öpe nämis. Putzt werdet die Zäh vom Soggä drum grad drümal. Mit dem gwünnt er bide Zahnfee scho fast en Pokal! Doch da Soggä het sich nöd öpe wellä mit andere messe, er hets zwüsched em Zähputze einfach immer wieder vergässe!

Ehrliche Lügnerin

Wir haben es doch alle schon gemacht; und etwas Verbotenes mit dem Auto vollbracht. Vroni S. hat es wieder einmal probiert und ist mit dem Auto durchs' Riet gutschiert. Dass die «Abkürzung» verboten ist, hat ihr dann erklärt der Polizist. Natürlich war Vroni das bewusst und hat deshalb schon eine Ausrede gewusst. «Habe einer Kollegin ein Kärtli einwerfen müssen», hat sie dann gemeint und vor dem Polizisten noch mit einem Lächeln geschleimt. Doch als er dann meinte: «Können wir schauen gehen?», konnte man die grosse Verunsicherung in den Augen von Vroni sehen. «O nein tschuldigung, habe das erfunden», antwortete sie deshalb in den nächsten Sekunden. Es wird ihr wohl eine Lehre sein, obwohl Vroni ohne Busse konnte Heim.

Wilder Westen bim Chätzästrelä - Hauruck, hauruck, hau-zuckzuck...



Chätzästrelä adä Chilbi Schänis, das isch so öbis nüüs nämis. Rüb isch üsä Titelverdeitiger, nimmts im Final nöd würkli gschmeidiger. Finali Züg bald häts dä Rüb gschafft, Hauruck Gegner Döme J. schu usem Saft? Numal hauruck – hauruck, und plötzlich machts «zuckzuck». Diä zwei sind denn schu nu verbissä, da isch sogar de Strebel grissä. En neuä henä und numal händ sis versuächt, dä Rüb en wiiterä Siig verbuächt.

Berts Handy auf Reisen

Es ist immer ziemlich schnell passiert, dass jemand an der Fasnacht sein Handy verliert. Die meisten suchen dann nach dem Handy ganz verrückt, die Stimmung ist schon sehr bedrückt. Doch Bert J. tut gar nicht gequält, hat nicht mal gemerkt, dass sein Handy fehlt. Doch gut ist die Fäh-Familie im Bären bekannt, dort hat die Lexi nämlich das Handy erkannt. Darauf hat sie im Chat geschrieben, dass ein Natel ist liegengeblieben. Doch das Handy findet den Besitzer schneller als gedacht, hat Remo plötzlich ein Foto mit Bert gemacht. Denn Bert ist immer noch am selben Ort, ist noch gar nicht vom Bären fort.



Jä so isch das! D'Bezirksgmeind vor 175-Jahr isch d'schuld, dass d'Schänner immer hindenache chömed wie die alt Fasnacht...



HOCHZEITSFLITZER

Am grossen Tag im Leben, soll es keine bösen Überraschungen geben. Deshalb hat an jeder Hochzeit der Bräutigam, einen tollen Trauzeugen, auf den er sich verlassen kann. Auch Tobias möchte für Marco alles richtig machen und packt fürs Fest zusammen seine sieben Sachen. Macht sich mit dem Auto auf zum Bräutigam und ist zum Glück noch frühzeitig dran. Am Ziele endlich angekommen, wird auch schon mit den Vorbereitungen begonnen. Als er Marco mit dem Anziehen helfen wollte, fragt er sich; wo sein Anzug denn sein sollte? Plötzlich fällt ihm ein, der ist ja noch Daheim! Schnell macht er sich wieder auf den Weg zurück und holt Zuhause das teure Stück. Doch es soll noch schlimmer kommen, denn er hat den Hausschlüssel nicht mitgenommen! So kommt er nicht in die Wohnung rein, muss aber bald an der Hochzeit sein! Schnell hat er nach einer Lösung gesucht und es deshalb bei seinem Bruder versucht. Was für ein Glück, dass der Anzug vom Bruder sitzt, mit diesem im Gepäck ist Tobias rechtzeitig in die Kirche geflitzt.


Ruedi Reisli's Reise in den Fantastico

Hoch motiviert und voll i sim Element, verkauft de Ruedi Reisli Reise, wo grad voll sind im Trend! Z'Verdanke het de Hirmin P. sin Look de Edith H., wo sich im Fantastico für ihre Sohn nöd hät lumpä lah. Es frächs Kostüm für ihre Lieblingssohn het sie bsorget, wo sich de Ruedli Reisli vorbildlich drum sorget. Nach zwei durchzächte Nächt nu recht im Seich, spielt ihm sis Mami en chline Streich. Chum wieder wach, muess de Hirmin uf Siebne abe mar-

schiere, zum det siis Kostüm im Fantastico z'returniere. Doch det am Trese erwartet ihn z'böse Gschänk, sie findet sini Usleih-Nummere nöd, wer hetti das denkt? Nach langem Hii- und Her cha de Fall ufglöst werdä, und de Primin sich grad dopplet ärgere. Hett er vo Ahfang ah gwusst, dass das Kostüm kauft und nöd usglehnt wordä isch, hett er sich die Reis chöne spare – was für en Mist!

ZEIG DE WANZÄ DE WEG!

Schön versaut händs die Wanzä, händ ohni üs idä Federihütte wellä tanzä.
Ab sofort ghört d'Federihütte aber wieder dä Schänner. Drum bruched mir etz en richtige Känner!
Zeiget de Wanzä de Weg is Tal, und verbii isch für d'Federihütte die Qual.





WASSERSPRITZ IM ZIGERSCHLITZ

Turnerfründe unterwegs im Glarnerland, für Wiitsprung, Sprints und öbe en Handstand. Amä Turnfäscht duet natürlu au nöd fehlä, es Bierli und paar gueti Seelä. Gaht dä Mirco B. zrug is Zält, doch de Schluck Wasser – de fählt. Denkt er «Ich nimm de Garteschluch», doch das isch schlussendlich de Turnfestfluch. De Hauptverteiler mitemä zünftige Wasserspritz verwütscht und stoppt das Fest im Zigerschlitz.

1. Klasse Sparbilet XXL

Was gits gmüetlichers uf de Welt, als d'Schwiiz mitm Zug erkunde – und das ohni viel Geld! Das isch au z'Motto vode Rita R-Punkt, wo nur nu ersti Klass reist, aber ohni viel Prunk. Voller Stolz brichtet sie überall: «1. Klass reise isch richtig günstig, imfall!». So reist sie 1. Klass uf Rappi und Davos – und das günstiger als idä Holzklass, das isch ja famos! Z'Problem isch nur – und das wett sie ihrne Kollegine nöd glaubä – dass d'SBB d'Reis nur mitm Klawsäwechsel und ohni gültigs Billet nöd duet erlaubä.

GEWUSST WIE...

D' Couchpotatoes sind am Schänner SchmuDo fengs bekannt, büüetet damigs gueti Maske und au sust allerhand. Au am SchmuDo 2022 zeigt sie sich vo dä bestä Siitä und wänd als Airline-Crew de Maskeball bestriitä. Im Hirzliblick machet sie sich zwäg – vo ussä und ine – au d Blüüsli düend schön wiis schiinä. Eifach knitterfrei sett diä Uniform halt sii, es Bügelisä hät aber keinä debii. Doch es git au anderi Trick, meint eine vo dene Husmannä, also probieret's die Sach ds büglä miterä heissä Pfannä. Aber die syntetisch War settsch nöd so heiss behandlä, Tenü zur Sau, Pfanne kabutt und 1 Stewardess ez halbä blutt.



Dä verwirrti Dachs

2022 hät än Dachs so einiges bootä, da isch nöd immer alles so gschmeidig gloofä. Luki mit paar Kompanä, hät z'obligatorische Schüsse wellä zämä planä. Alles packt und los sinds gfahrä, uf Bänke sinds gu umä glarä. Doch känn Mänsch isch umä gsii, isch ächt das Schüsse schu verbii? Doch diä Schwiiz bütet nu mee, will Bänke giits ide Schwiiz halt zwee. Das händ diä Kompane den au nu mitübercho, und sind schlussendli rächtziitig z'Riicheburg cho.

Doch wiiter gaht das chliine Gschichtli, vu üserem verwirrti Dachs und sinä Brichtli. Er isch au ganz en fliisigä Dachs, und organisiert für d'Vereine Vieles wiä en Klacks. Doch het er mössä organisirä, e Musig fürs Jumächränzli zum applaudiärä. Merkt mr dänn erst bim Flyerdruck, dass vergässe gange isch, de chliini Spuck.

Immernunig simmer am Schluss, und es giit numal es Gschichtli für de Gnuss. Summer Beachparty isches gsi, ganz schnell isch dä Abig dänn verbii. Z Gastgwerbpatent z'wenig lang buächt, plötzli schu Polizii z'Gländ ufgsuächt. Das ganzi Areal händs abgeschlossä, da wirt nemli au kei Alkohol me gsoffä. Au das Dächli muss nu bitz lernä, welli Gschichtä folget, staht nu idä Sternä.

JUMA REISEBERICHT 2022

LÜCKENTEXT

Am 3. September häts gheisse «_____ du schribsch jetzt de Bricht», drum mach ich da drus jetzt es Gedicht. Afgange häts am Samstag Morge, Richtig Oberarth mit em _____. D' Kaffipause gihts jetzt da, obwohl es Paar lieber wänd es _____ ha. D' Kaffi und d' Gipfeli sind fein, es giht sogar no Musig vome andere Verein. Wiiter mömmer uf e Brüniig gah, uf _____ wird no Wasser glah. Am 11:41 isch es denn sowiit gsi, d' _____ leert ds erste Bier in Car dri. In Interlake acho machemer denn es Füür, doch d' _____ isch nöd defür. Füürverbot und de Bus falsch parkiert, d' _____ isch richtiggehend schockiert. Wenn das d' Polizei usefindt, stömmer recht blöd da, drum hämmer d' _____ eifach verschwinde lah. D Polizei vorus, de Car hinde dri, es isch au für de _____ es Abentüür gsi. Zum Glück hends denn de Bus doch no frii loh, drum isch als nächste Punkt ds Riverrafting drah cho. River Raft ja das brucht Muet, vorallem chönd au d' Instruktoore üsi _____ nüd so guet. Instruiert het üs denn ebe so eine, ds einzige Problem isch nur verstande hets keine. Ja was wetsch mache, jetzt isch es halt eso, für öbbis hämmer ja d' Englischkünscht vom _____. Alli stiiget is Böötle i, usser de _____, dass chas doch nüd si. De hät ebe ds Chnüü kaputt, drum fötelet er üs vo de Brugg. E Raftingziit vo einehalb stund wird erwartet, obwohls öbbe mal eine vom Böötle _____. Zum eine wieder is Boot inezieh häsch recht müesse schränze, das chunt halt vo dene _____. Ich bin au gmeint, ich weisses ja, also lueget mich nöd so a. Bim Znacht esse sind alli fit zruigg vom Raft debi, ds Highlight isch allerdings vorem Znacht esse gsi. Eigentlich dörfemer ja nüd drüber lache, muess es jetzt aber gliich mache. Bi de Anefahrt mit em Car het es chlises Chind üse Car nahezu analysiert, anschinend e chli z fest, 10 sekunde spöter het sie s mit em Velo _____. Bim anefahre zum Hotel chömemer denn druf, 3 Hüüser wiiter häts es _____. De Usgang isch denn a andere Orte gsi, Drum hämmer denn ds _____ doch lah si. A dem Abig isch nöd nur de Brienzersee blau, Sondern mir au. Zum Irish Pub het sich denn uf gmacht e _____, nur e chli z luut sinds gsi, drum sinds wieder furt gjagt worde. All händ es Riesefäscht, nur de _____ und de _____ die sind am 12i scho is Näscht. Au de _____, liit nöd mit ere Berneri vom Fäscht, Sonder mit em Fülllöscher im Näscht. Jede isch chli ame andere Ort gsi und mir händ üs nöd immer gfunde, trotzdem wird gfäschtet bis i d Morgestunde. De Partylärm isch denn au im Hotel no nüd fertig gsi, zwar zum Leid vo de andere Hotelgäst, aber chli spass muess doch au mal si. De _____ und de _____ sind zu de Meitli gseklet, ganz verreckt, einzige Nachteil: sie hend debi ds ganze Stockwerch ufgweckt. Au de Zimmernachber vo de _____ ihrem Zimmer beschwert sich und wacht uf, aber d' _____ isch en Fuchs und macht eifach d Tür nüd uf. Zum Zmorge macht mer sich denn wieder parat, die eine chli früeher, die andere chli spat. Punkt 10ni cha d Fahrt wiiter go, Aber denn chunt d Nachricht de _____ und de _____ hend grad no es Bier gno. Denn gahts halt chli länger weggem Zapfhahn, Trotzdem gahts dem mit em Car Richtig Standseilbahn. Also ab uf e Harder Kulm, mit de Bahn mömmer det ufe gah, womer obe a chunt gsehst zwar eher us wie in _____ oder _____. I de wunderschöne Ussicht chamer versinke, und au guet esse und Bierli trinke. Am Abewäg fangt de _____ mit em Bahnfahrer denn no es Gspröch a und verzellt det was d' _____ doch alles so guet cha. Wommer bim Car a chömed gahts sofort, Wieder zruigg, Richtig Heimatort. Uf em Heiweg wird denn Ländler tschädere glah, die eine findets guet de Andere isch es zum Ischlafa. De _____ und de _____ sind am döse und dänked warschindli ane Mö... Zum Abschluss vo dere Reis, sägi nur no eis. Es isch mega cool gsi, Und freu mi scho zum nächst mal wieder debi si.

Dankä an Gastautor Adi!!

Wörter zum i setzä:

2x Schnuzii, Nina, Simi, Lukas D., Flo, 2x Polizei, Ländlerzmorge, 2x Tim, Sprach, Japan, Bierränze, Reto, 2x Puuf, Adrian, Jumahorde, 2x Jenny, Chauffeur, Nicole, 2x Mirco, Korea, Tobias, abeschwartet, Passhöchi, Bierli, Hegner Ivo, überschmiert, Füürverbottafle



Chömmed Schänn

Wer kânt sie nöd. Sind überall beliebt. Drum hän

Ja z'Beelers wei go mostä



Ja z'Beelers wei go mo-----stä ga. Ja z'Beelers wei go

Ja z'Beelers wei go mo—stä ga und punktet bide De-gu s

gits fürde Most vode Beeler Ricarda. Silber gits fürde Most vode Beeler

Bronze gwünnt de Re-mo, doch toll findet mir das au!

Alli Schänner Beize, machet langsam zue!

Alli Schänner Bei - ze mached langsam zue

mach-ed langsam zue. Wo söll ich nu

suu - ffe? Es laht mir grad kei Rueh.

er, mir wänd singe.

und mir die bekannte Chinderlieder nü interpretiert!

Auf der Federi, in der Hütte

Chords: D, A7, G, A, D

Lyrics:
 1. Auf der Federi in der Hütte sitzt 'ne klei - ne
 Wan - ze. Auf der Federi in der Hütte
 sitzt 'ne klei - ne Wan - ze. Seht euch mal den
 Schänner an, wie der Schänner tan-zen kann, auf der Federi
 in der Hütte sitzt 'ne klei - ne Wan - ze.

.....

Büchler Nina, Tim, Mirco
 Tim, Tobias, Mirco, Flo, Simi, Jenny Zahner, Jenny, Schnuzi, Reto, Japan, Korea, Schnuzi,
 Sprach, Hegner Ivo, Luki Düring, abeschwartet, Bierränzä, überschmirt, Puff, Puff, Juma Hordä,
 Adrian, Ländlerzmorgä, Bierli, da Passhöchi, Nicole, Polizei, Polizei, FÜRverbotstatlä, Chauffeur,

Lösungswörter Lückentext in richtiger Reihenfolge:

DÄ VERCHLÄMMTI RETO

Im Septämber hämers i üsem Dorf sträng gha, 1050 Jahr Schänis händ sich firä la. Nach sim Arbeitsatz am Fäscht no es Bierli oder zwei, ja de Reto wett no lang nöd hei. Umätänzlet und s Füdli gschwänklet und dänn laufts chli dumm, de Brüschä Reti hauts mit voller Wucht um. Eifach wieder ufstoh und witermachä wär ja no ds eint, aber so eifach häts es nöd mit ihm gemeint. Queräwäg hanget de Burscht jetzt im Stehtisch drinn und jetzt hät der de Blödsinn. Ällei chunnt er nümä us derä Situation, Fründä hälft ihm us dä Chlämmi und dä Frustration.

Pauli hohl mi mit dem Traktor ab, es Motörli wo niämals macht schlapp.

Schwitteri Senior mit brummligem Motor, Dorf-Schänis-Retour mitem Traktor. «Es nüs Auto, das setti denn schu mal gu chaufä, aber dä Traktor duts au – muss ja nöd laufä.» Doch frögt ihn nu öppä einä: «Häs z Billett äwägg?», so nervigi Fragä, das isch au ä känn Schlägg. Drum überleit Pauli sich den plötzlich scho, langsam es nüs Auto gu chaufä go.

D'Chilä isch (immer emal wieder) ä Baustell – öb mit oder ohni Booster.



Einä hämmer nu immer gno: Marke Halbleer zum vollä Priis

Chilbi Schänis isches gsii, det chasch bi dä Musig Cines Raclette verbii. Nebst em Raclette döff nöd fehlä, en feinä Wii wo chasch uswählä. E gmüetliche Rundi häts gii, wo seit: «Mir bstellet numal e Fläsche Wii!». Bringt Frau Mannstein ganz gschwind, de Wii so schnell wiä dä Wind. Doch isch diä Fläsche nur halb voll, sofort gmerkt, das isch nöd toll. Händs diä ächt schu am Buffet probiärt und dänn prompt dä Gäst serviärt???

Verwirrig am Morgefrüe

Vo Erstfeld zruigg, am 4i aber rugg zugg. De 9ner Bus beladä, und alli am schlafe düend sies uf de Heiweg wagä. Mit 3 Wändige uf de Strass und 2 Verfahrigä hämmer denn glich no uf Schänis gschafft, mit jedem wo usgstigä isch händs wieder chle weniger Lascht. D' oute genau plantet gha, ab uf Kaltbrunn ad Tankstell Agrola. De Florian R. gad usä gschossä, fangt de Bus a pfiiffe we vorher i de Hundsverlochätä. Ganz schockiert sinds wieder a de Tankstell parkiert. Türe überprüeft, Zündig i und us, trotzdem het de Pfiiffer no Pfuus. 3 jungi Frauä und en betrunknä Ma, händ sich derä Sach a gnah. Leider hets de Andrin S. vorher krachäläh, und het nöme gwüsst wommer überhaupt sind da. Panik isch usbrochä, das chani eu sägä, alles händs wöllä machä und hend denn glich mössä lachä. Scho 20 ab 6i und mir händ gmerkt, de Robin R. wet wieder as Werch. Sinä Wecker hät üs irritiert, aber glich simmer witer is Steirriet. En chline Tipp zum Schluss, am Steffi sinä Bus isch en absolute Schuss, nur wens pift ischs sicher nöd de Bus.

Suppe versa ... aromated!

Liebi Papis, eigentlich sinder ja kei Lappis. Aber bim Choche fallts üch mämgmal schwer ds studiere, vergesst drum nöd ds Esse vorem Serviere ds probiere. Drum merkt de Ludi au erst ds spat, dass ide Suppe nöd isch Bouillon sondern Aromat! Danke für de z'Nacht, LG dini Chind ;)



A dä Ihutletä in Mels 2022 trifft d'Schänner Narrekönigin Julia I. uf d'Melser Bölläkönigin. Fazit vo dem Gipfelträffä: Mehr Königinnen braucht das Volk!

Ar Hintergass ds'Rufi stah en Chatzäschreck – es isch zum ver(Zweifel)n

Am Fasnachtsmäntig laufs im Bistro rund, da bliibt me gärn sitzä äs paar Stund. Uf der Heiwäg ds'Fuess macht sich au der Marroni Maa. Aber oh weh bald stah er wieder da. «Solang da vornä öpper fotografiärt im Gartä, mag ich doch nuu lang wartä.»

WENN SCHÄNNARCHEN REISEN

Fast jährlich eine Geschichte in der Zeitung ziirt, was beim Schänner Fasnachts-Adel auf dem Königs-Reisli passiert. Heuer König Heinz I. die königliche Schar entführt, und ein wunderbares Reiseprogramm zusammenschnürt. Als sie dann in Bischofszell hatten den grossen Rast, hat plötzlich alles perfekt gepasst. Denn eigentlich noch nicht bekannt, doch liegt es auf der Hand: Bei dieser Gesellschaft hat es öppe eine gute Singstimme dabei, denke an Andi R., Achters P., Steiner Xävi und Remos hats sogar mehr als zwei. So sangen sie alle Lumpäliedli, die sie kannten und waren schon bald berühmte Musikanten. Sie wurden kurzerhand engagiert und als Königs-Chörli in eine geschlossene Gesellschaft zitiert. Eine unbekante Frau feierte ihren Geburtstag ebenfalls dort, und bevor die König:innen gingen fort, traten sie als Chor auf mit voller Stolz, jedes Sängherz dahin schmolz.

STELLENBÖRSE

Noch heute schnell und einfach neue Jobs in Schänis finden! In Schänis wurden 3 freie Stellen gefunden:

OK-Präsi für Nachtumzug gesucht! (m/w/d egal – hauptsach Fasnächtler)

Du bisch gnau de richtig für de Job, wenn:

- ... du kei Angst häsch im Dunklä
- ... du scho mal inere Konfettibadwanne bädelet worde bisch.
- ... dir d'Lüt in Schare nachelaufet.
- ... du nebed de Sackgass und de zwei Monster-Umzüg ahde Kinderfasnacht gern nu en dritte Fasnachtsumzug z'Schänis hettisch.

Händ mir dis Interesse gweckt? Wiiteri Uskünft erteilt dir gern z'Powerteam vode Powerfasnacht Schänis.

Mir sueched Schänner Beizer (m und w, demit de Wirt au mal für en Tag de Wirtin chan ghöre!)

Du bringsch folgendes mit:

- Es Konzept, wo besser verhebbed, als das vom Löwe Schänis
- Es Talent, zum au mit wenig Schlaf dur dä Tag z'cho.
- Kontroversi Theme, wo am Stammtisch chönd diskutiert werdä.
- Es frächs Kostüm zum ahde Fasnacht chönne uftrumpfä.

Dich gluschtets? Zum ersti Erfahriga idä Gastro z'sammle, bütet sich au din Helferisatz im Kulturlokal Schänis ah. Dä Kulturverein Schänis isch immer froh um fliessigi Helfer – und für dich die ideali Möglichkeit, schomal echli Beizer-Luft z'schnuppere.

Verwaltungsrats-Mitglied vode Raifiisebank Schänis-Amdä (Vermöge > 100'000.–)

Dis Profil:

- Du rüehsch ahde Fasnacht statt mit Konfetti mit Geldnötli um dich.
- Du verbindisch die Grafik unde nöd (nur) mit de Skyline vo Schänis bestehend us Speer, Chühmettler und Federi



- Du häsch ahde alljährliche GV nu nie eh Fläsche Wii mitgah lah.
- Du häsch z'Platinum nu nie vo innä gseh.

Style Tipps und Mehr

Zwei Stars, ein Look: Wem stehts besser?



MACHS MIT





SHOP THE LOOK

Pink is the new black!



Bikeshirt Herren 25.-
Farbe: Pink
Material: 89% Polyester, 11% Elasthan
Passform: enganlegend sexy



S'Schänner Dorrfäscht häd für «en tüüfe gesunde Schlaf» gsorgt oder mä chönt au säge: Den Seinen gibt's der Herr im Sch(l)af.

En z'Kurze gha

Für die Chilbi-Maseltrangen wird alles in Gang gesetzt, dafür wird sogar in der Wiese ein Zaun versetzt. Denn fürs Schwini-Rennä braucht's mehr Platz – Guido Z. machts sofort, was für ein Schatz. Doch als das Umzäunen ist im Gange, merkt er plötzlich: «Der Draht ist zu wenig lange». Da die Tiere momentan sind im Stall drin, denkt er sich: «Ich gehe später nochmals hin.» Doch das mit «dem später» wollte nicht klappen, irgendwie ging ihm die Erinnerung durch die Lappen. So hat er sich nichts dabei gedacht und die Kühe am Abend in den Freilauf gebracht. Tatsächlich hat er den Schaden erst nach drei Tagen erkannt, als eine Kuh ist weggerannt.

Der RUFNER EIER LIEFERANT Paul

Der Eier Lieferant Paul immer ganz perfekt, verteilt d Eier fast korrekt. Samstag oder Sonntag hat er Liefertour, das erlediget dä Paul mit Bravour. Die beste Eier sind vom Rufi Paul, das wüset ganz viel Frauä ganz genau. Doch hie und da hat er e chli es Durenand, da halt mehrere Abnehmerinnen Karin genannt. Nöd eifach, egal Karin söll d'Eier übercho, Kälin oder Kühnis wartet scho. Doch eini vo beide muess denn leer usgah, d'Sibylle hat ebe nume gschriebe: Karin K. E andersmal der Paul tuets fröhlich stimmä, ime Milchchästli häts grad noch es Gschänkli dinnä. Für Sibylle stah ufem Gschänk, oh a mini liebi Frau, dä Paul lueget nöd so genau. Die Sibylle, wo hetti söllä überchu das Gschänk, hat gha Geburtstag dank. Sie hat denn dörfe ds Rufi gu ihres Päckli abhole. Ob Sibylle Grob oder Rupflin, spielt schu e Rolle. Paul es isch nöd eifach, Eier z verteile. Aber ä bessere Lieferant als Dich, gits keinä!

ALLEINE am Hallenfußballturnier

Amne Halleturnier isch de Dani B. immer gern debi, versuecht drum au rechtziitig vor Ort ds sii. Am Fritig nach de Schuel muss er aber pressiere, fragt drum d'Schwöster zum ihn chauffiere. Abglade hat sie in ds Benke vor de Halle, leider isch am Dani de dunkli Ruum erst z'spat ufgfalle. Kein Mensch isch nämlich dri, ja wo söll denn da es Halleturnier si? Er lüet sine Kollege ah, die sind i 10 Minute scho zum Spiele dra. Am Telefon wird ihm denn schnell verzeltt, dass er isch für uf Kaltbrunn bstellt! Sofort isch er denn ds Fuess los grennt, guet fahrt de Reto au scho los i dem Moment. Dank dere schnelle Rettigsaktion, sind denn alli rechtziitig in Position. Und für de Dani B. isch klar, er liist de Spielplan gnauer im nächste Jahr.

Junior Sigg nachem Derby en chliinä Higg

Bogmä-Frohsinn-Derby isches gsii, da will au dä Sigg debii sii. Vu dä Bogmä dä Wäg in Frohsinn gfundä, nach es paar langä Stundä. Bim Fäschtä gahts zuä und her, da wiret den plötzli d Augä schwer. Plötzli schlaft er am Tisch ii, doch das isches dänn nunig gsii. Zägg bumms machts de Stuäl verflogä und Rickli liit am Bodä. Sinds dänn gangä dä Chopf gu flickä, mit bitz Fadä – isch wiä mit Strickä. Das Bogmä-Frohsinn-Derby nüt für dä Rickli, da häter vor paar Jahr schu gmacht adä Schultärä äs Hickli.

MEIRI IN KURZEN HOSEN

An Auffahrt schon viele Jahre Tradition, bereits 13 Jahre gilt dies schon. Dass eine Gruppe dann immer verreist, Familie Rundi Mitglieder waren dies einst. Mit Kind und Kegel in ein Lagerhaus, es wird gewandert Jahr ein Jahr aus. Geselligkeit, Spiel und Spass – hat natürlich auch seinen Platz. Viel Sack und Pack braucht es immer doch, es kann im Mai auch kalt sein noch. Der Meiri öffnet seinen Koffer «oh shit! – Jetzt han ich kei langi Hose mit!» Ja Meiri, das nächste Mal ist Koffer Kontrolle angesagt, wenn Du nicht mehr frieren magst...

Entweder oder?



Mit Narrenkönig 2022 Heinz I.

Zwätschgä oder Chrüter?

Chrüter

Sälber musigä oder Guggä losä?

Sälber musige, aber natürlu au gern Musig lose.

PostAuto oder laufä?

Während dä Arbeit Poschti fahrä. I dä Freiziit au gern z'Fuess unterwäg.

Beizlifasnacht oder Kingsize Laserarena?

Ganz klar Beizlifasnacht.

Bim Sigg id Würscht oder Katersuppä?

E gueti Würscht zu dä Katersuppe isch immer guet.

Konfetti oder Sugus?

Konfetti und Sugus wird klebrig im nasse Zuestand. Also doch fascht lieber e Würscht.

Lumpäliedli oder Ländler?

E gsundi Mischig machts us.

Wänn chunnt dini erst CD usä?

Nume live isch live.

Was vermisst du jetzt schon an deinem Amt?

Vermissten ist wohl das falsche Wort. Habe jeden Moment während meiner Amtsdauer genossen und hoffe, dass ich als Narrenkönig ein bisschen Fröhlichkeit und gute Laune während der närrischen Zeit verbreiten konnte. Es ist mir eine grosse Ehre, ein Teil dieser königlichen Familie zu sein.

Und: was ich als Narrenkönig meinem Volk schon immer mitteilen wollte:

Die vielen gemütlichen Stunden und herzlichen Begegnungen während der Fasnacht sind für mich wie eine wohltuende Medizin. Diese Medizin kostet nicht viel und kann sich jeder leisten.

Darum mein Rat: Zieht sie euch rein, diese Fasnachtsmedizin und tragt sie während des ganzen Jahres in euch. Auch wenn vielleicht mal ein Sturm aufzieht, im Herzen ein bisschen Fasnacht und die Sonne wird sich schnell wieder zeigen.

Danke allen die mich während meiner Amtszeit unterstützt und begleitet haben. Besonders meiner Familie, ihr seid sowieso die «Coolscht Family»!

Ganz e schöni Fasnacht, Heinz I.



UFWÄRME ISCH DS A UND O!



**I dä Höchi hät's Wanzä,
drum tüamer dunä tanze!**

I DE GRUPPE MACHTS DOPPELT SO VIEL SPASS!

Mithüpferrinnä gsuächt:

Isch dir Sport und lachä wichtig,
dänn bisch bi dä Gasterhüpfen
genau richtig.

Egal ob mit Body-fit, Staffette oder
Yoga, d' Gasterhüpfen sind eusi
Drogä.

Turnä tüend mir jewiils am Dunns-
tig und händs gern lustig.





MITEM PARTNER TANZISCH RUMBA, MIT DE GASTERHÜPFER MACHSCH ZUMBA

Es chönti eigentlich so eifach sie, aber gwüssi dönd sich doch schwer debi.

E chli ds Bei lupfe und mit de Hüft mit wippe, am beste zwüschetdure no am Bierli nippe.

Ja während ds Tanze de eine bereitet Sorge, machets die andere bis am nächste Morge.

So au die junge Manne vo de Fasnachtsgruppe, wo nachem Schmudo no gönd zu de Turntruppe.

Sie händ nämlich a dem Morge no gnueg Energie, drum gönds ds Maseltrange bim Altersturne verbii.

Ob die Manne guet händ möge mitmache? Es hät sicher öppis geh zum Lache!

Wetsch au du jung und fit blibe? Denn chasch sust au de Gasterhüpfer schribe.

Will wenn am Dunnstig gahsch mit de Fraue go tanze, häsch keis Problem mitem Bierranze!



MER HÄTS EIFACH IM BLUET!

Wussten Sie, dass ... ?

... sich zwei Frauen aus der Schänner-Guggä am Oktoberfest in Pfäffikon vergeblich gesucht hatten? Zu spät bemerkten die zwei Künstlerinnen, dass die eine in Pfäffikon ZH und die andere in Pfäffikon SZ den Krug in die Höhe hielt.



... die Strassen-Putz-Equipe mit der Strassenputzmaschine den Weg zum Schlipf reinigen wollten? Es stellte sich jedoch heraus, dass dies bei einer Kiesstrasse gar nicht so einfach ist.

... am Rigete Rüb d'Guggä-Jacke bevor er sie au nur eimal hät chönne ahlegge usm Auto ussä gstohle worde isch?

... d'Feli ohni Zelt as Gampel ahgreist isch? Vor luuter Plaudere hät sie's denn aber erst nach ere Stund Autofahrt gmerkt!

... bim «Hau-den-Lukas» am Schällnerfäscht de Hammer retour und am Bohlä Res voll is Aug gspickt isch?

... dä Blitz i dä Landi es Palett Mineral kauf hät und das dann aber paar Meter wiiter bi sinerä Landi scho wieder verlohrä hät?

... en dütschä Politiker uf Facebook es Duränand macht und bi sinä Politik-Posts die alt Facebooksiitä vo dä Narräkönigin Julia I. verlinkt? Das wohl, will de Königin ihri Siitä «Kandidatin 2020» heisst und als Politikerin ufgfühert wird.

... 4 Teenies im Summer ä turbulänti Töfflireis erläbt händ? Ufem Wäg richtig Ägeri händs zerscht mal am Ahänger beid Räder verlohrä und d Übernächting händs au am falsche Ort buecht.

... Baywatch direkt vu Amerika au Rettigä im Bistro Rufi vornähmet...

... Näbst userä Golden Gate Bridge neu in Rufi die neu Central Station aus New York als Dreh- und Angelpunkt für Büss gilt?

1375

m. ü. M. ist die Federihütte gelegen

SCHNITZELBÄNKE

Freitag, 17.02.	Tschädrios	Patchwork
Bistro Rufi	20:30 Uhr	19:15 Uhr
Kulturlokal Eichen	21:45 Uhr	23:00 Uhr
Restaurant Bären	19:15 Uhr	18:00 Uhr
Restaurant Schwert	23:00 Uhr	21:45 Uhr
Restaurant Sonne	18:00 Uhr	20:30 Uhr

Sonntag, 19.02.	Tschädrios	Patchwork
Restaurant Frohsinn	19:15 Uhr	18:00 Uhr
Restaurant Flugplatz	18:00 Uhr	20:30 Uhr
Restaurant Hirschen	20:30 Uhr	19:15 Uhr
Narrenfinale Rathausplatz	21:45 Uhr	23:00 Uhr